

სს „საქართველოს სახელმწიფო ელექტროსისტემისათვის“ ელექტრონული ტენდერის (SPA230000400) საშუალებით 330 კვ ეგზ „გარდაბანი 1,2“-ში ავარიის საწინააღმდეგო ავტომატიკის მოწყობასთან დაკავშირებით დაკომპლექტებული კარადის შესყიდვის მიზნით მუდმივმოქმედი სატენდერო კომისიის სხდომის

ქ. თბილისი

23 თებერვალი, 2023 წელი

ოქმი #3

სატენდერო კომისიის სხდომას ესწრებოდნენ:

1. კომისიის თავმჯდომარის მოვალეობის შემსრულებელი — მურთაზ სიჭინავა
2. კომისიის წევრი — გელა კეზუა
3. კომისიის წევრი — დავით ბენიძე
4. კომისიის წევრი — ლაშა შენგელია
5. კომისიის აპარატის წევრი — ლევან მასხარაშვილი

სატენდერო კომისიის სხდომას ესწრებოდნენ:

1. კომისიის თავმჯდომარე — გიორგი გელაშვილი
2. კომისიის წევრი — გიორგი ქურცუა

დღის წესრიგი:

1. 330 კვ ეგზ „გარდაბანი 1,2“-ში ავარიის საწინააღმდეგო ავტომატიკის მოწყობასთან დაკავშირებით დაკომპლექტებული კარადის შესყიდვაზე გამოცხადებული ელექტრონული ტენდერის (SPA230000400) სატენდერო დოკუმენტაციაში ცვლილების შეტანის თაობაზე.

განხილვა:

1. სს „სსე“-ის დირექტორთა საბჭოს წევრის 21/02/2023 წლის #2557 სამსახურებრივი ბარათის (ოქმს თან ერთვის, 1 გვ.) თანახმად, სადაც აღნიშნულია, რომ 2023 წლის 10 თებერვალს შესყიდვების ერთიან ელექტრონულ სისტემაში 330 კვ ეგზ „გარდაბანი 1,2“-ში ავარიის საწინააღმდეგო ავტომატიკის მოწყობასთან დაკავშირებით დაკომპლექტებული კარადის შესყიდვაზე გამოცხადებულ ელექტრონულ ტენდერის (SPA230000400) სატენდერო დოკუმენტაციის კითხვარის 1.2, 1.3 და 1.4 ველებში საჭიროა ცვლილების შეტანა. ასევე სატენდერო კომისია განიხილავს სატენდერო დოკუმენტაციის 1.5, 1.7.1 და 8.1 ველებში ცვლილების შეტანის საკითხს.

2. სატენდერო კომისიამ განიხილა დღის წესრიგით დასმული საკითხი, 330 კვ ეგზ „გარდაბანი 1,2“-ში ავარიის საწინააღმდეგო ავტომატიკის მოწყობასთან დაკავშირებით დაკომპლექტებული კარადის შესყიდვის ელექტრონულ ტენდერში (SPA230000400) სატენდერო დოკუმენტაციის 1.2, 1.3, 1.4, 1.5, 1.7.1 და 8.1 ველებში ცვლილების შეტანის თაობაზე, კერძოდ:

1	სატენდერო დოკუმენტაციის კითხვარის 1.2 ველში არსებული ჩანაწერი: "ფასების ცხრილის" თითოეული პოზიციით (გარდა #1, #3, #4 და #5 პოზიციებისა) მოთხოვნილი შესყიდვის ობიექტის ტექნიკური და ხარისხობრივი მაჩვენებლების აღწერისას, სადაც მითითებულია კონკრეტული სასაქონლო ნიშანი, მოდელი, პატენტი ან მწარმოებელი კომპანია, იგულისხმება „მსგავსი“ ან/და „ეკვივალენტური“. ასეთ შემთხვევაში, პრეტენდენტი ვალდებულია წარმოადგინოს სატენდერო დოკუმენტაციით განსაზღვრული შესყიდვის ობიექტის მსგავსი ან/და ეკვივალენტური ტექნიკური პარამეტრების (მახასიათებლების) მქონე საქონელი; შეიცვალოს შემდეგი რედაქციის ჩანაწერით: "ფასების ცხრილის" თითოეული პოზიციით მოთხოვნილი შესყიდვის ობიექტის ტექნიკური და ხარისხობრივი მაჩვენებლების აღწერისას, სადაც მითითებულია კონკრეტული სასაქონლო ნიშანი, მოდელი, პატენტი ან მწარმოებელი კომპანია, იგულისხმება „მსგავსი“ ან/და „ეკვივალენტური“. ასეთ შემთხვევაში, პრეტენდენტი უფლებამოსილია წარმოადგინოს სატენდერო დოკუმენტაციით განსაზღვრული შესყიდვის ობიექტის მსგავსი ან/და ეკვივალენტური ტექნიკური პარამეტრების (მახასიათებლების) მქონე საქონელი; სატენდერო დოკუმენტაციის კითხვარის 1.2 ველში დავამატოს შემდეგი სახის ჩანაწერი: „ფასების ცხრილში“ #1, #3, #4 და #5 პოზიციებზე შესაძლებელია მოწოდებული იქნეს ანალოგიური მოწყობილობები, მაგრამ თუ კომპანია Schweitzer Engineering Laboratories (SEL) ვერ უზრუნველყოფს აღნიშნული მოწყობილობების ასა-ში ინტეგრაციას, ასეთ შემთხვევაში სს „სსე“ არ მიიღებს მოწოდებულ დაკომპლექტებულ კარადას. სატენდერო დოკუმენტაციის კითხვარის 1.2 ველში წაიშალოს „ნახაზები“ და აიტვირთოს „კორექტირებული ნახაზები“.
---	---

2	სატენდერო დოკუმენტაციის კითხვარის 1.3 ველში ატვირთულ ფასების ცხრილში განხორციელდეს შემდეგი ცვლილებები: ა) #1, #3, #4 და #5 პოზიციებზე შესყიდვის ობიექტის დასახელებასა და სერიულ ნომერს დაემატოს ტერმინი „ან ანალოგიური“. ბ) შენიშვნის ველში #1 პოზიციაზე წაიშალოს ჩანაწერი: (გარდა #1, #3, #4 და #5 პოზიციებისა) გ) შენიშვნის ველში დაემატოს შემდეგი პოზიცია: 6. პრეტენდენტმა ფასების ცხრილის #1, #3, #4 და #5 პოზიციებზე უნდა მიუთითოს შემოთავაზებული მოწყობილობის ზუსტი დასახელება.
3	სატენდერო დოკუმენტაციის კითხვარის 1.4 ველში განხორციელდეს მიწოდების ვადის კორექტირება. კერძოდ, ნაცვლად ხელშეკრულების გაფორმებიდან არაუმეტეს 90 (ოთხმოცდაათი) კალენდარული დღისა, მიწოდების ახალ ვადად განისაზღვროს ხელშეკრულების გაფორმებიდან არაუმეტეს 168 (ას სამოცდარვა) კალენდარული დღე.
4	სატენდერო დოკუმენტაციის კითხვარის 1.5 ველს დაემატოს შემდეგი სახის ჩანაწერი: ა. არარეზიდენტი პრეტენდენტებისათვის - საქონელი მოწოდებულ უნდა იქნას პირობით DAP საქართველო, (Incoterms 2020) პირობის შესაბამისად; ბ. რეზიდენტი პრეტენდენტებისათვის - საქონელი მოწოდებულ უნდა იქნას პირობით DDP საქართველო, (Incoterms 2020) პირობის შესაბამისად;
5	სატენდერო დოკუმენტაციის კითხვარის 1.7.1 ველში არსებული ჩანაწერი: „თუ ეს შეუძლებელია “მიმწოდებელმა” “შემსყიდველის” წერილობითი შეტყობინების მიღებიდან 90 (ოთხმოცდაათი) კალენდარული დღის განმავლობაში უნდა შეცვალოს საქონელი“. შეიცვალოს შემდეგი რედაქციის ჩანაწერით: „თუ ეს შეუძლებელია “მიმწოდებელმა” “შემსყიდველის” წერილობითი შეტყობინების მიღებიდან 168 (ას სამოცდარვა) კალენდარული დღის განმავლობაში უნდა შეცვალოს საქონელი“.
6	სატენდერო დოკუმენტაციის კითხვარის 8.1 ველში ატვირთულ კორექტირებულ ხელშეკრულების პროექტში (Contract Draft) განხორციელდეს შემდეგი სახის ცვლილებები:
	ა) ხელშეკრულების პროექტის 4.3 მუხლში (ქართულ ენაზე) დაემატოს შემდეგი სახის ჩანაწერი: ა. არარეზიდენტი მიმწოდებლისათვის - საქონელი მოწოდებულ უნდა იქნას პირობით DAP საქართველო, (Incoterms 2020) პირობის შესაბამისად; ბ. რეზიდენტი მიმწოდებლისათვის - საქონელი მოწოდებულ უნდა იქნას პირობით DDP საქართველო, (Incoterms 2020) პირობის შესაბამისად;
	ბ) ხელშეკრულების პროექტის 4.3 მუხლში (ინგლისურ ენაზე) დაემატოს შემდეგი სახის ჩანაწერი: A. For non -resident Suppliers: Goods must be provided on condition of DAP Georgia, (incoterms 2020); B. For resident Suppliers: Goods must be provided on condition of DDP Georgia, (incoterms 2020);
	გ) ხელშეკრულების პროექტის 7.4 ველში (ქართულ ენაზე) არსებული ჩანაწერი ჩამოყალიბდეს შემდეგი რედაქციით: 7.4. "მიმწოდებელი" ვალდებულია გარანტიის პერიოდში საკუთარი ხარჯით აღმოფხვრას დაკომპლექტებული კარადის მიმწოდებლის ყველა კომპონენტზე და მოწყობილობაზე ექსპლუატაციის წესების დაცვით ფუნქციონირებისას წარმოქმნილი ნებისმიერ დეფექტი ან ხარვეზი აზერბაიჯანის ტერიტორიაზე, "შემსყიდველის" მხრიდან წერილობითი მოთხოვნის მიღებიდან არაუმეტეს 30 (ოცდაათი) კალენდარული დღის განმავლობაში. თუ ეს შეუძლებელია "მიმწოდებელმა" "შემსყიდველის" წერილობითი შეტყობინების მიღებიდან 168 (ას სამოცდარვა) კალენდარული დღის განმავლობაში უნდა შეცვალოს საქონელი.
	დ) ხელშეკრულების პროექტის 7.4 ველში (ინგლისურ ენაზე) არსებული ჩანაწერი ჩამოყალიბდეს შემდეგი რედაქციით: 7.4. During the warranty period, the "supplier" is obliged to eliminate, at its own expense, any defects or faults arising in the territory of Azerbaijan on all the <u>supplier's</u> components and equipment of the assembled cabinet in accordance with the operating rules, within no more than 30 (thirty) calendar days after receiving a written request from the " Purchaser ". If this is not possible, the "supplier" must replace the goods within 168 (one hundred sixty-eight) calendar days after receiving the written notice from the " Purchaser";
	ე) ხელშეკრულების პროექტის 10.1 და 10.3 ველებში (როგორც ქართულ, ისე ინგლისურ ენაზე) განსაზღვრული ხელშეკრულების ღირებულების 7.5% შეიცვალოს და განისაზღვროს 5%-ით.
	ვ) ხელშეკრულების პროექტის 10.4 ველში (როგორც ქართულ, ისე ინგლისურ ენაზე) განსაზღვრული ხელშეკრულების ღირებულების 4% შეიცვალოს და განისაზღვროს 2%-ით.

3. სსიპ სახელმწიფო შესყიდვების სააგენტოს თავმჯდომარის 2017 წლის 14 ივნისის #12 ბრძანებით დამტკიცებული „ელექტრონული ტენდერის ჩატარების წესის დამტკიცების შესახებ“ მე-19 მუხლის პირველი პუნქტის თანახმად, ასევე მე-2 მუხლის პირველი პუნქტის რ) ქვეპუნქტით გათვალისწინებულ ეტაპზე, სატენდერო დოკუმენტაციაში ცვლილების შეტანა შესაძლებელია მხოლოდ „ტენდერი გამოცხადებულია“ – სტატუსის მინიჭებისას, რომელიც მოიცავს სატენდერო განცხადების სისტემაში განთავსებიდან სატენდერო წინადადებების მიღების დაწყებამდე ტენდერის მიმდინარეობის ეტაპზე. იმის გათვალისწინებით, რომ ტენდერი გამოცხადდა 10.02.2023 და სატენდერო წინადადებების მიღება იწყება 24.02.2023, სატენდერო კომისიამ იმსჯელა და დასაშვებად მიიჩნია მიმდინარე ტენდერის (SPA230000400) სატენდერო დოკუმენტაციაში შესაბამისი ცვლილების შეტანა.

სატენდერო კომისიამ დაადგინა:

1. სსიპ სახელმწიფო შესყიდვების სააგენტოს თავმჯდომარის 2017 წლის 14 ივნისის #12 ბრძანებით დამტკიცებული „ელექტრონული ტენდერის ჩატარების წესის დამტკიცების შესახებ“ მე-19 მუხლის პირველი

პუნქტის საფუძველზე, 330კვ ეგზ „გარდაბანი 1,2“-ში ავარიის საწინააღმდეგო ავტომატიკის მოწყობასთან დაკავშირებით დაკომპლექტებული კარადის შესყიდვაზე გამოცხადებულ ელექტრონულ ტენდერში (SPA230000400):

- სატენდერო დოკუმენტაციის კითხვარის 1.2, 1.4, 1.5 და 1.7.1 ველებში განხორციელდეს განხილვის ნაწილში არსებული ცხრილის #1, #3, #4 და #5 პოზიციებით განსაზღვრული ცვლილებები.
- სატენდერო დოკუმენტაციის კითხვარის 1.2 ველში წაიშალოს „ნახაზები“ და აიტვირთოს „კორექტირებული ნახაზები“.
- სატენდერო დოკუმენტაციის კითხვარის 1.3 ველში წაიშალოს „ფასების ცხრილი“ და აიტვირთოს „კორექტირებული ფასების ცხრილი“. განხილვის ნაწილში არსებული ცხრილის #2 პოზიციით განსაზღვრული ცვლილებების გათვალისწინებით.
- სატენდერო დოკუმენტაციის 8.1 ველში წაიშალოს ატვირთული „კორექტირებული ხელშეკრულების პროექტი...Contract Draft“ და აიტვირთოს „კორექტირებული ხელშეკრულების პროექტი...Contract Draft (2)“ განხილვის ნაწილში არსებული ცხრილის #6 პოზიციით განსაზღვრული ცვლილებების გათვალისწინებით.

2. დავალოს სატენდერო კომისიის აპარატის წევრს ლევან მასხარაშვილს ზემოაღნიშნული კორექტირების შეტანა სატენდერო დოკუმენტაციაში და სსიპ სახელმწიფო შესყიდვების სააგენტოს თავმჯდომარის 2017 წლის 14 ივნისის #12 ბრძანების „ელექტრონული ტენდერის ჩატარების წესის დამტკიცების შესახებ“ მე-6 მუხლის მე-6 პუნქტის შესაბამისად სატენდერო კომისიის სხდომის ოქმის ხელმოწერისთანავე ატვირთვა ერთიან ელექტრონულ სისტემაში.


3. აღნიშნული გადაწყვეტილების გასაჩივრება შესაძლებელია სახელმწიფო შესყიდვების ერთიანი ელექტრონული სისტემის შესაბამის ველში არსებული სისტემური დილაკის მეშვეობით (<https://tenders.procurement.gov.ge/>).

სატენდერო კომისია:

1. კომისიის თავმჯდომარის მოვალეობის შემსრულებელი - მურთაზ სიჭინავა
2. კომისიის წევრი - გელა კეზუა;
3. კომისიის წევრი - დავით ბენიძე
4. კომისიის წევრი - ლაშა შენგელია;

სატენდერო კომისიის აპარატი:

1. აპარატის წევრი - ლევან მასხარაშვილი;



ლ. მასხარაშვილი

ლ. მასხარაშვილი



ლ. მასხარაშვილი

ს.ს. “საქართველოს სახელმწიფო ელექტროსისტემა“

სამსახურებრივი ბარათი

21/02/2023

N 2557

ვის: შესყიდვების დეპარტამენტის უფროსს ბ-ნ მურთაზ სიჭინავას

ვისგან: დირექტორთა საბჭოს წევრი გიორგი ამუზაშვილი

საგანი: 330კვ ეგზ „გარდაბანი 1,2“-ში ასა-ს მოწყობასთან დაკავშირებით დაკომპლექტებული კარადის შესყიდვის ტენდერში ცვლილების შესახებ

ბატონო მურთაზ,

გთხოვთ, 330კვ ეგზ „გარდაბანი 1,2“-ში ასა-ს მოწყობასთან დაკავშირებით დაკომპლექტებული კარადის შესყიდვის ტენდერში (SPA230000400) განახორციელოთ შემდეგი ცვლილება, კერძოდ:

- ავარიის საწინააღმდეგო ავტომატიკის (ასა) დაკომპლექტებული კარადის მიწოდების ვადა განისაზღვროს 168 კალენდარული დღე, ნაცვლად 90 კალენდარული დღისა.
- ტექნიკურ პირობას დაემატოს შემდეგი ჩანაწერი: „ფასების ცხრილში“ #1, #3, #4 და #5 პოზიციებზე შესაძლებელია მოწოდებული იქნეს ანალოგიური მოწყობილობები, მაგრამ თუ კომპანია Schweitzer Engineering Laboratories (SEL) ვერ უზრუნველყოფს აღნიშნული მოწყობილობების ასა-ში ინტეგრაციას, ასეთ შემთხვევაში სსე არ მიიღებს მოწოდებულ საქონელს.

პატივისცემით,
გიორგი ამუზაშვილი

დირექტორი დისპეტჩერიზაციის საკითხებში
დირექტორთა საბჭოს წევრი

